

詠
懷
堂
詩
集

詠懷堂詩集 四卷

石巢阮大鍼集之著

南海鄭 露公露較

七言律

除夕大雷雨仝徐慶卿曹肅應齊价人周子

久張損之守歲詠懷堂賦

雷電誰明時序心先春解作擾長林豈緣天帝謹
無度應哂山龍蟄未淡野甸虛徐延艸色暄枝次
第囀禽音江田薄治鋤犁後酌酒將君賦蕩陰

言
甲戌元旦

耆舊何非萬曆民
龍飛輯瑞憶茲辰
四門共集夔龍履
九服無聞甲馬塵
世事頓驚桑海燥
春謀漸與黍疇親
陶然自炙屠蘇酒
笑閱梅花歲歲新

青冥閣

昔王元美先生舟過江上指大龍曰蓬蓬
勃勃海上三神山乎青冥中有人未可時
代計也今年入山山僧建閣翠微中問名
余因感先生斯言而以青冥題之

蓬蓬海嶽竝真形
指點曾聞動客星
淨業倘能師白社
高文敢曰破青冥
吳門練影難窮辨
楚澤蘭香未解靈
時代雖殊精魄在
筵簞一爲報東溟

泊李陽河

春陰野泊念江寒
紅燭青簾照鷓鴣
冠聽雨漸知農務
動乘桴聊取酒程
寬燈餘伐鼓人何
靜觴止鳴鷄醉已
安霽視羣星尚無
恙少微歷歷挂漁
竿

舟中雨夜懷讀居友人

孤帆細雨靜依依
極目春洲綠尚微
節物又從新

柳換謫居寧有幾人歸王孫祠畔叢魚戲歌舞樓
中野雀飛往事旅情君自見蒸藜釀秫莫相違

寄懷劉敬仲司空

與君執戟向塵沙官舍蕭疎接暮鴉天祿閣吹藜
杖火步兵廚勝酒胡家春鑣競踏高梁艸秋艇輕
穿淨業花屈指廿年如夢境青青雙鬢已增華

其二

桃花春漲漾晴霓平莫勛名刻水犀何藉從官沉
白璧恭聞上帝予玄圭山青艸閣容高枕野綠

閒疇好杖藜何日任城樓上酒從君沉飲醉如泥
仲春七日同韓姬命曹肅應張損之方聖羽

齊价人彭五一劉爾敬集劉慧玉宅

荷鍾寧須紹古狂竹林清夜與傳觴澤居人飲春
雲氣彥會言蒸蕙艸香露白鳴雞招舞劇蒿青飛
鶯詠懷長醉分何必攜餘興高柳垂藤切短墻

寄懷崔銅陵滄浪

九子山雲晴自生虛徐江上啓芳蘅花村到處有
人住訟閣閒來惟鳥鳴石戶燈青煩夜織春疇烟

碧起溪耕何當更汎芙蓉路瀨靜沙寒聽濯纓

喜史蓋卿請告歸廣陵江舟小酌

南楚殷須坐鎮才菊松引興賦歸來江鄉麥與魚
無恙春嶠人同鴈竝迴鉅畢探文藻勝春陵未
釋繭絲哀如今芳艸容高枕且望蕪城罄一杯

閩爲余使車所至地讀汪大年諸詩重若卧
遊遂賦此

解薛曾乘閩嶠軒至今清夢武夷繁爲吟花縣趨
庭句似引灘聲到枕喧山靜切簷聞乳鶴海蒸馮

几閱翔鯤何當更漉荒廚酒石蛛珠官細討論

初夏送損之還江東期以秋至

蓴鱸曾不待秋風。歸路芳蘅綠未窮。百子鶯繁山
夢遠。長干鐘定月光同。琴聲幾夜彈湘水。帆影遙
天破碧空。爲語霜籬叢菊發。遲君高步睇飛鴻。

山居雨中張若仲林六長先後至

雲林次第集羣賢。招隱何如此地偏。夏淺涼隨新
雨至。吟悽人在夜猿先。無言山磬傳空翠。晏坐松
燈照石泉。此際塵機定何淺。將君清夢各泠然。

山中五日式若仲六長

雲旗終古自逶迤歌到離騷敢妄悲漁榜祇循巫
覲俗文壇徒鬻蕙蘭詞山當積雨收虹後人際空
香飲露時內美于斯微可驗獨招山鬼薦江蘼

喜王使君梅和銜命移鎮皖上

莽莽軍書七澤來一時風鶴起蒿萊關中自轉當
時粟開府無如叔子才平野不妨驅犢出高臺曾
此射蛟迴欣傳竹馬喧江路幕府無聞畫角哀

孤臣胥靡敢論兵陰雨難弛桑土情軍府自移龍
虎節江濤遂接鶴鶩聲長風倚樹人何壯夜火量
沙謀始驚征虜雅歌知不減潢池秋艸近將生

其三

細雨春洲感袂岐袞衣欣卽咏來思寇恂轍動蒼
生卧定遠功成白髮垂楊柳薰風鈴外暖梅花香
雪遂中吹海門月吐千峰靜大斗歡陳朱鷺辭

其四

遺身近復入藤蕪簞食蕭條禮法枯一壑途窮安

阮籍二天江左仗夷吾野心不素漁樵侶羸疾聊
資藥餌扶飯罷牛歌中夜起車門叩角待傳呼

寄韓太史求仲

西子湖花秋正繁聞君于此託朝昏能將賜隱齊
狂客不羨摘詞近至尊數載碧山懸鳥路長歌
白石奉牛樽何時得永漁樵話露屨煙竿道亦存

送汪六御入覲還靈山

薰風楊柳散晴烟遙望仙鳬向海天徭峒瞻蒲還
勸稽珠淵飲馬亦校錢輶鉤聲裏花迎鳥薜荔香

中月映絃縱使 聖朝無闕補天書好爲夕郎懸

寄楊中丞文弱塞上

榆關胥爾繕泥丸左袵寧虞到鵬冠羽獵繇來推
賦手樓船新復隸衙官帳前調馬春蕪細酒後呼
鷹磧艸寬相憶不須馮夢路盧龍秋月值漁竿

其二

文酒長懷邸舍時楸枰世事詎勝悲短襦中夜陳
牛飯破硯秋窓註楚辭朱鷺定知油幕沸紫鱗聊
爲布帆私桃花源水渾無恙羨爾功成胥釣絲

萬世甫至訊楊修齡先生

桃花源水接煙波聞有玄亭領嘯歌達士聲名存
酒德聖朝勛業滿漁叢青山幸不嫌瓢笠碧月
偏能選薜蘿散髮與君呼犢語秋田細艸近如何
謝方侍御崧生書訊卽送其北行報命

大東驛路散晴煙攬轡趨朝儼若僊蟲館栖琴
多白露鷹風鳴佩入青天雲沙萬騎弦長控水霧
三星留獨懸安攘定知煩石畫先陳民瘼聖人

前

寄懷吳南寧孝先

嶺樹江花結夢長，羨君氷譽滿炎荒。
一官遠寄霜鴻外，合郡秋聞露橘香。
稅薄驚毛常代屬，徭馴蠶女不爭桑。
遙知齋閣無長物，椰酒聊堪與客嘗。

送程霖宇南粵遊

蓼香荻露片帆輕，君向南天越鴈程。
錦荔秋深房久熟，黃茅雨後瘴全清。
裝連霍納春煙吐，手擘珊瑚海霧生。
安得九夷偕杖履，踏歌蠻舞聽蘆笙。

酌姚純甫時將省心甫銓部于南署

柴門秋樹掛斜陽
莞爾聊持犢鼻張
自喜種瓜綿野圃
不嫌鉤棗過隣牆
黃雞羣啄山籬黍
紫蟹將銜石岸霜
酒熟更逢良友至
沉冥彌覺發吾狂

其二

芙蓉香露及秋清
掛席將爲采涉行
江近嘉魚隨市得
官閒修竹繞衙生
危時更悟萸樽旨
中歲猶懷布被情
古處如君兄弟少
倍從風雨念雞鳴

寄懷董玄宰宗伯予甲子乞身先生以詩贈
行今十年始答也

清時疏傅卷高蹤十賚新膺九節筇祖帳軒真乘
野鶴虞絃目亦送飛鴻故侯瓜募青門笠開士蓮
花白社鐘爲報野心難割據總持近已屬夔龍

其二

駐顏何藉餌丹砂手種頰松自有霞獨對東籬閒
採菊任傳北闕廣宣麻霜盤侍史調鱸膾秋艇漁
僮捕藕花三泖朝昏連坐卧寧煩墨勅動官家

其三

講幄文書競繞身禁籙終不易江蓴好持船子魚

中梵一澣元規馬上塵松籟平分弘景閣檀根應
是輞川人五峰秋月聞笙鶴綠野羊求有上真

其四

紫禁烟花拜夕郎天人遙接秘書香宮磚立處衣
長白帳餞詩來絹已黃艸際飯牛襦自短蒿間飛
鶯咏空長何期進履窺園日盡醉樽前學楚狂

月下飲鄺湛若感時有賦

清宵小飲憺無譁聽爾玄言曳海霞夜久禽聲翻
月樹露涼蟲響抱秋花羽書艸澤傳新嘯羯鼓漁

陽警暮過惟脊鱸魚甚無恙鱗鱗爭勝石門槎

園中種菊聞雲中虜警

虜騎燕雲報合圍刺閨烽火照龍旂垂魚卿士惟
中策射虎將軍閫外威戶籍卽傳編老上伶官未
可黜鮮卑山農刈罷秋田黍不醉黃花何所爲

秋登十三叔中江樓

詠懷久擅竹林幽作達還開江上樓露白汀沙難
辨月潮青島嶼各臻秋春流魚湧桃花沫彥集人
依杜若洲倍喜 聖時漁稅薄儘容載酒狎輕鷗

寄答陳太史雪灘卽送其北行

繁露空香飲夢深蛾眉移月照秋林
平津賓滿傳投轄正字名高莫碎琴
墨勅已催行李色碧山斲釋採芝心
遙知侍酒堯樽日不但西南喫傅霖

秋浦舟中感時似子卿

滁州名秋浦

星枝烏鵲繞南天辛苦無衣好共憐
旅泊不堪山葉降秋吟寧讓艸蟲先
人情似厭羹倫腐時論羣推盜賊賢
子亦與君肖巾幗短蓬私泣對江烟

送何青山相國再起還朝

西疇歲月儼東山
瞻顧蒼生未許閒
遂脅起居關帝夢
再瞻劍履押仙班
心恬綸閣猶莘渭
道泰卿雲蔭孔顏
好抱懶殘煨芋火
鸞刀一爨玉鉉閒

其二

清霜皎月映蒲輪
正值陽迴玉琯新
梅鼎調丹資聖手
楓宸衣白覩天民
堯陔解作人龍雨
禹貢咸銷士馬塵
廿四考成還未髦
青山來問赤松鱗

立秋日送吳明府聞生南旋

一葉流風秋序臨
能禁黃鵠動歸音
妬人子自矜

高下畏壘思何異古今石竹春留盤馬跡澤蘭香
入抱琴心絲來海燥須臾事莫就湘纍叩陸沉

其二

江天秋水澹無倪。傲吏孤琴恣所之。松栢不凋寒
更見芙蓉堪采涉。奚疑習池此日沾微罪。峴首誰
人剪去思。向後鯉湖雲卧處。五株門柳亦絲絲。

焦山

東南浩劫此虛無。欲抗朝宗島勢孤。一勺人天窮
眺聽。六時潮汐有榮枯。林溪山鬼招難見。壑靜秋

龍睡可呼。却笑焦君名未避。空煩指點到寒蕪。

金山

積氣難名天地心。古今無限此登臨。珠間星影長
開島鵬下雲光欲飲林。滄海幾還秦帝藥。洞庭不
隔楚妃吟。憑高一奏成連旨。江月江烟次第深。

方孩未禮普陀回至鑾江相晤感賦

遙禮青蓮汎島隅。鵬雲蜃雨片桴俱。香臺密結金
仙印。碧海單提明月珠。煙火已從雲汐判。身心都
向水天無。君歸應笑長生客。桂樹婆娑老一壺。

詠懷堂詩

卷之四
十一

送望江朱侯擢守海州

秋清鳬影動菰蒲峴首碑看勒小孤數載菊松望
彭澤如今金甌接萊蕪風雲淮海儀神雀煙雨家
山夢鷓鴣卧治定須同內史閒調五馬飲春湖

晤陳駕部劍華感賦

道直誰能避轆轤青山無恙奈貧何柴桑杯蟻長
酣菊廷尉門禽不畏羅甌底清塵標儉德車前白
石起勞歌與君笑閱人間世駮雨衝風蕩九河

蕪關謝王水部季重招飲

季重舊令當塗

堯時天路未高荒執戟何嫌再作郎從此斗杓開
象緯遽令英蕩有文章客帆寒載家谿雪關樹香
連舊地棠更具阿戎玄尚在竹林重與紹清狂

其二

霜露淒其歸趣濃逢君何復恨途窮鯨飛怒掣無
滄海嶽立蒼寒表華嵩宮錦再披流古月江帆四
集納條風杯前靜察潮生路桃葉春溪夢許通

荻港楊守戎子儀移酌舟中

霜鈴月戟靖江關樽酒還來慰旅顏孤棹影開冰

雪路殘年跡滯鴈鴻間筆從投後花逾盛字卽行
間問豈閒日暮潮聲如雪湧看君麾羽向胡山

燈夕阻風蕪湖舟中口占似程搏仲家衡之
兄

莫向青山憶舊廬扁舟吟笑幸無虛春帆着處依
鐙火江鴈何程畏簡書月照花林如積雪潮生沙
埠脊鳴魚相歡共醉村旗酒且傍香籬問索居

同俞駕部容自徐岡卿南高赴徐侍御孟麟
招感舊

無恙春星帶薜蘿與君盡醉復高歌百年世事等
殘局一飯君恩有荷簑青甸香蒸遊屐艸紅橋
風習酒船波還思杞國同憂日拳石空勞障九河
述懷答友人

雲駟虛無江上臺薜蘿香動有朋來名銷更覺琴
書逸道在能持稼穡衰非國胥大收瘴雨罪言何
夢托寒灰與君笑盡手中酒池上藕花閒自開

謝李臨淮玄素見枉不值

西第春烟接漢宮棘門新柳散條風石花飲羽真

成虎竹素抽毫盡是虹題鳳青蘿人自遠飯牛白石調逾窮何時獵騎喧芳艸橐筆從君賦小戎

聞趙侍御二瞻自金焦取道遊西湖賦寄

秋清碧月照菰蘆露笠煙帆興未孤盤水自招梅嶼鶴翔星誰識栢臺烏長卿徒擁三巴傳宗炳空懸五嶽圖獨羨使君情具勝東南寸景不令逋

憶家大人俶園

坦坦何慙履道居雲林幽事定無虛籬間密竹不妨鶴潭上落花能供魚晏坐高齋閱秋水客來小

園剪春蔬猶嫌弘景松風閑懶向華陽乞秘書

其二

小閣青蓮佛火光間將四大隸空王繡幢風曳金
鈴語石鼎煙流貝葉香耕穫恥爲營下溟滑稽溪
欲斥東方鹿門自踐真人隱頂首先窺覺路長

其三

大隱繇來不近名蕭機玄對澣塵情據梧盡日曾
無夢動搽羣峰各領聲祝噎不煩鳩刻杖步虛自
駕鶴爲笙慙子養體真豚犬烟火空調禁鼎羹

其四

藹藹南陔自可親
幽源慵爲逐秦人
紫芝好作芳廚饌
白苧爲翻畫棟塵
心淨蓮花容結社
機忘鷗鳥亦歸仁
班衣似不煩兒舞
醉起登前唱鬱輪

壽方四如五十

雲達羽翮羨冥飛
隱處星辰指少微
紅稻可釀千日酒
碧蘿還勝六銖衣
山空鶴語高烟響
石爛牛歌細艸肥
松菊平生嘉尚在
考槃視履亦何非

送汪涵秋歸淮南兼憶斗樞

君來江上正芳菲。今去淮南雁欲飛。聚散人生如落葉。蒼茫空水對斜暉。青山不隔孤臣夢。白日誰憐季女饑。爲寄愁心河畔艸。年年春色望中歸。

木公從宛應教歸京口小詩送之江上

秋水知予別夢長。悠然天際下孤航。衣無宛雒風塵色。簡是梁園竹素香。時事何途私涕泗。江山畱冶報文章。君歸豈托鱸魚興。菊意楓聲已漸霜。

寄答陳南充姒疇

秋籬叢菊一思君。江上青楓隔暮雲。劍闕天孤銘

尚壯琴臺花改賦猶芬雞神自肅祠官典焚道爭
啣父老文長物定知非所蓄郢筒美酒可能分

寄周觀察柱瀛備兵淮海

卜居近已老漁樵閒向秋鴻望赤霄龍節定知生
氣象鵬冠殊可憫蕭條春旗暖色颺河日秋閣寒
聲靜海潮近說移軍屯細柳東方蛇豕更誰驕

吳幼玉六袞禮雲栖還賦壽

塵世桑滄定不疑采山聊可謝朝饑榮分几杖真
人賚香滿彫胡弟子炊湖月能疏心鏡彩毘藍詎

向覺花吹歸來更達沉冥旨米汁秋樽好共持

寄懷林存義開臬楚中

離居踪跡托垂綸顏色長從海月親道在水壺懸
鑑地環投滄海抱珠人靈芬不格筵簞旨荒澤能
無簞簠陳更有青山棠樹在年年花載嶺南春

感懷寄慰田郡伯三裁量移還蜀

峨眉晴雪照歸裝數卷圖書共隱囊縱使世情如
灩澦難磨清咏在滄浪徑開彭澤三秋菊畝列成
都百顆桑聖主知君心似水爭傳水譽滿朝陽

袁公寥自廣陵回雨泊招飲予築感舊

盡日春江雨不開
春帆遙向廣陵來
寒濤似枕山
扉雪埋照猶銜火樹杯
蒼狗浮雲聊共晒
白鷗野水定何猜
廿年多少悲歡事
銷在西窓一寸煤

偶讀元次山喻舊部曲詩有感

兵興十載焚戎服
嘆哭曾傳樊水陰
退谷樵漁今已老
普天士馬正如林
榮光定叶明時兆
閩氣難窺真宰心
日暮碧雲修竹裏
空臨梁甫美春琴

送江菊裳之信州任

海門新柳漾晴沙極目雲帆引驚霞湓口潮迴猶
帶雪弋陽溪暖欲蒸花春潭霧白聞漁徒訟關峰
青絕鳥譚 聖代繇來重才子豈令江總滯天涯

送李煙客林六長下金陵有懷 博羅韓夫

子

楊柳風恬五兩輕艣邊桃葉若聞聲露芬孤嶼啼
閒鶴月印空江舞舊鯨 聖代詩書寬櫛撫農臣
耕鑿胥經營君行并閉羊求路芟舍惟占紫氣生
送洪慧生南行并寄子明爾止

秋林叢桂露香翻送兩殷勤展一言熊館誇胡臨
羽騎牛歌乘燧達車門嘉賓無負笙簧饗計吏偕
知禮樂尊木末烟平霜滿際馮高不盡我思存

寄趙侍御芝庭

年來整暇理漁竿擊鱸撈蝦政自歡所喜黍疇荒
下溟敢將楸局問長安樽前延酒月長在籬外映
山花未殘爲托鴻聲報東海遠遊何日共高冠

謝遲侍御之來招飲黃山閣

東望天波曳紫瀾峨峨崇岱踣霞端花香飲鶴蕪

城近海霧吹魚渤澥寬
綿蕞自慙無禮數
惠文深得罄交歡
樽前已燦雷峰月
願托盟心未忍寒

東錢密緯

北固山前鱸正肥
知君揆酌近漁磯
煙餘野月全歸艇
霜下孤花不隱扉
吾道所須秋黍黍
客程寧與海鴻違
江峰歷歷青堪數
早晚蒹葭片席飛

采石磯同劉爾敬
晚酌感賦并東同志諸子
晴江小泊荻風微
拾月乘流有舊磯
煙邃似爲歸鳥計
波喧頻聽醉魚飛
邊笳羯鼓烽俱莽
蠶箔漁

苗稅未稀此際野心閒對酒豐橙澹菊道何非

金陵晤郭侍郎金谿感舊兼送其赴嶺南謫

所

十載離居未忍論秋花重對白門樽
採薇畱得餘生在孤竹彌瞻大節存
黃葉路從湘水闊青山道爲逐臣尊
殊方飲啄君恩重雷雨行看起伏鯤

其二

瑣闥夕拜共爲郎憂國覘君髮
平霜柳下不彫三黜節宣尼何陋
九夷鄉青藤釣酒蠻奴槥花氎編

珠峒女裝陸賈金知非所好爲搜奇瑰入詩章

李通侯玄素移樽舟中偕同志賦得秋江晚

照

孤航搖曳寄秋花小泊班荆對暮霞樽酒自延殘
照色六朝如此晚歸鴉風搖遠火應難壯波立羣
峰各不譁是際客心渺無極鴈聲何復遞寒沙

與李將軍湛閣對酒

酒碧似分江上峰何知身世成飄蓬切安東徙笑
何地醉尉夜行安可逢煙渚離離戲出鶴海天歷

歷橫秋虹接輿是際楚歌發吾道稼圃將焉窮

送羅別駕衡臯監督固原兵餉暫還南州

幾載題輿別思牽依依征蓋拂江烟龍沙暮雨搖
珠閣僊掌秋雲映石蓮飛檄虜移山後帳行春人
種磧中田金城旦晚條方略宣室爲君席欲前

冬夜酌杜退思感舊

燈白窓寒鴈有聲與君淡話十年情霜臯落葉鳴
湘水煙陌繁花簇帝京琴瑟自閑中散調文章還
避左徒名樽前對影因相笑短髮蕭蕭次第生

答梅長公書訊兼送其開府酒泉

秋清蘭畹散餘芬
列騎香風繞雁雲
三戶已開鉤黨籍
五花新領酒泉軍
杯前杏酪聽笳管
馬上隴麋掃檄文
遙送莫歌重進酒
龍堆元擬策殊勛

秋杪楚友何韋長見訪

餘生安敢說行藏
逕艸多君與破荒
衰鳳有歌聞枳棘
孤鴻循影到池潢
茱萸山酌高呼酒
橘柚霜盤細薦香
更剪秋燈聽落木
湘臣魚腹詠難忘

其二

楚江千里布帆輕巖曲相尋叢桂盟風雨蕭晨無
謬謦龍蛇大澤有孤生閣通山氣樽俱翠琴入秋
泉響更清此際悠然懷尚足東山惜爾預沉冥

歲暮予築落成時程禹璜翁北歸同幼玉長
秀社集得年字

新除荒徑竹林邊朋好琴樽此偏滿社不愆風
雨候歸人更及鴈鴻天庭中藻影能稽月杯裏椒
香欲報年落落歲寒忻共保春舩詎負舊門煙

中秋答余谷王

遙峰分月挂江城
篠路蘿庭冉冉清
高酌直翻叢桂露
孤吟聊壓百蟲聲
圍摩石瀨喧秋澗
簪葉寒香覆古坪
此夕知君情不淺
開琴浮白坐空明

同方潛夫泊弘濟寺潛夫宿澄觀閣東之

紅蓼青菰暝色深
相從漁浦放閒吟
夕陽已下江峰翠
清梵遙聞水寺音
雨後野螢飄亂艸
燈前秋葉響空岑
思君高枕蓮花界
夢裏能觀不染心

晚霽全元甫望九子有懷李供奉白

九子青嵐霽不收
寒芳信宿向中洲
布帆豈待鱸

魚掛水幕聊尋海燕儔
春市壚開香飲月空江
烟盡澹凌秋獨憐供奉
虛飄泊不共清溪此夜舟

喜從祖茲園公解樵川郡歸

閒雲輕席兩悠悠
天際遙歸故國舟
海郡衣冠聞餞鶴
江鄉飲啄幸隣鷗
好風徧與梗香會
佳月寧虞薜影稠
只此東山足磴礧
湘臣何地着離憂

其二

浮雲自古不堪論
初服彌瞻吾道存
艸木賴融軒冕相
人天合讓鼎彝尊
幽心遠渚聞荷發
霽目高

霞快鳥翻自喜林間備羣從問奇那得隔朝昏

秋居有懷楊斗樞霍鍾西呂益軒

九河日暮起重陰蒲葦冥冥秋水深如此陸離委
長珮一時睇笑倚孤岑攬茹不掩湘臣淚采葛誰
明越婦心欲寄幽香虞道遠空餘叢橘耀霜林

其二

山阿歲晏孰葦予西極將騰徑待車颯颯女蘿啼
赤豹鱗鱗秋水領文魚天高冀野雲終被霜落吳
江水更疎我欲何聲酬鳳德蕭條自接楚狂輿

詠懷堂詩

卷之四
二十三

感時賦慰十三叔并諸兄弟

窈窕秋山青可憐更逢落木下晴川江魚薄勝寒
潮水野雀深啼晚樹煙縱目高臺遲佚女愁吟梁
甫有遺篇汨余日月蘆中老招隱難爲衆媿先

其二

瑟瑟微風鳴女蘿邀予睇笑彼山阿衣能至髡呼
牛語艾不張羅奈雀何淨露宛從荷屋降幽香誰
並竹林多烹雌釀秫深相勞窮達無如理嘯歌

九日病中感賦

鷓鴣溪啼感歲華落英猶繞故年花
茱萸不厭人三巴橘柚還香水
一渾絕塞風煙無徑路彼都臺
笠正繁誇山籬土甌舖牛後起
視秋虹抱晚鴉

采石吊太白先生

煙波是處若爲家鯨影空搖石上華
祠像幾人能縮酒英靈終古自懷沙
月當牛渚難爲夜江在天門未可
震山水將君共寒碧幽通何必薦
疏麻

乙亥元旦雨中試筆

雲物空勞太史占江村竟日雨纖
廉屠蘇逋老還

先酌梅蕊流香入小檐閱世又憐人事務明農自
許野心恬晴洲早定拳芳侶候至難令杜芷淹

其二

慵思四十九年非眼底青山興不違松菊未荒彭
澤酒桔槔久謝漢陰機薰風楊柳鶯將轉新水桃
花鰕更肥薄俗桑滄寧足哂煙帆擬向五湖飛

全越卓凡飲馬瑤草水亭聞寇警感賦

避地逾寬物外身相從抱鄰覽烽塵洧流遍飲紅
巾馬春野雙閒白羽人快集月霞能導酒薄寒花

氣轉馮裊狂來擬奏俞兒舞野曠星高未忍陳

雨中李京兆曉湘招飲秦淮水閣

綠楊吹雨濺芳樽煙艸離離漫水痕避地烏衣尋
燕壘開腸白袷近龍門衷言兢吐羅浮雪眉筆堪
銷桃葉魂醉後與君偕騁望青山幸爲六朝存

其二

鶡冠生事感蕭條愁緒寧堪雨共飄甯戚飯牛歌
自苦幼安牧豕路長遙江田畬火春俱輟澤國軍
烽夕永銷藉肴使君高義在野人長此託漁樵

旅懷東何計部蓉菴

烏衣旅食共閒閒小隱鶯聲艸色間
聖世寧煩憂赤羽主恩到處予青山
煙淡漁屋鷗相狎月靜畊墟犢自還
此地捕魚兼釀黍與君長駐老親顏

寓秦淮與長子叔水閣相對有懷
茲園公何地徜徉無竹林青山宛戴六朝心
遺身魚服江煙窮努力牛歌春艸淡隔浦共聽花底曲
開窗各美月中琴茲園松菊知無恙醉後應懷梁甫吟

晤孫銓部意白感舊

冶城新柳正鳴鶯握手相看百感生
共賦風波人世滿爲憐辛苦賊中行
一官大隱齊黃綺六代方山類削成
迴首遂園觴咏地西京烽火幾時平

遂園乃銓部園

方司成書田見過感賦

研北推君二十年如今雙鬢雪俱牽
高車響並鶯聲至清論飛于柳絮前
謝傳墅閒芳艸坼孫弘閣敞晚山妍
請從絳帳諸生後問字來分太乙煙

其二

聖代潢池警未平。漁樵夢亦入軍聲。夔龍願奏雲
天舞。鸞鴨長銷雪夜兵。葦岸尚容魚網曝。麥秋不
廢犂車鳴。野夫敬枕嚴灘月。閒漱清流咏濯纓。

家大人初度謝李戒菴過祝

汎宅聊申菽水歡。秦淮碧柳照斑斕。似聞黃鶴舞
瑤笛。更喜白魚迎釣竿。自向源花通飲啄。寧煩野
竹報平安。紫衣不羨逢元發。斗下猶龍氣未闌。

移宅城南郭侍御雲機過訪賦此

春溪艸樹展清陰
城曲居然軼遠岑
蒿鶻幸能安弱羽
花驄還與沛高音
清飈貫體渾如竹
古雪霏譚不藉琴
有
道家風知不改
華簪長抱澹寧心

其二

閒門高柳曳新絲
何必繁機遠聽鸛
酒碧不離花下甕
山青自至菊間籬
鳴絃欲和松風籟
煮石甌充菽水饑
自食補天公等力
江南無事子山悲

與葉中翰白子感舊賦

蚤歲相從供奉班
如今青鬢點霜顏
金門懶乞侏

儒粟艸屨同探幕府山牛飯肴歌徒自苦鶯聲不
醉且無還木奴萬樹搖晴綠鄉夢知君更未關

送王官諭崑華北上

薰風堤柳拂平沙極目雲帆入遠霞朝列爭來迎
赤舄至尊親與押黃麻雞神湯飭祠官典葍醬
虛通博望槎早晚夔龍階羽動鷺翻一爲舞訾邪

其二

秦淮艸色碧初勻斗酒還來踐隱淪野啄亦招霄
鶴至山羹欣肴鼎梅陳衝風搖海難銜石平隴開

煙許負薪願得金甌名早貯敢俟霖雨及波臣

月下陳令君剛長招飲敬亭山

女蘿睇笑自孤牽雲鳥何煩咏昔年藉肴美人閒
載酒更憐明月皎如煙鐙青高閣遙鳴屨氣白羣
峰靜侍絃夜久山禽響空翠清機特爲此宵偏

其二

空山碧月漾清暉觴咏難令此夕違共剪紅亭今
夜燭一叅黃蘗再來機風中接葉聞猿嘯露次翻
松梧鶴飛寧待留髭投去轄野心盤礴自忘歸

黃

言
葉禪師爲令公鄉人

二十七

謝項司成水心招集古林菴

古林嘉木展晴暉
永日琴樽眷翠微
宛脊官鶯囀
香樹特分掌露漑
閒薇高談一破青
山夢緩酌聊
携碧月歸久矣
帝師推項橐
此中須鶴欲何依

其二

鴟夷幸托五湖船
高枕菰蘆懶問天
春艸薄吟桃
葉雨秋菱小
摘莫愁煙逃
名尚畏漁樵
著息影寧
逾薛荔賢自哂
鄭虔無一絕
煩君爲給杖頭錢

謝范司馬質公見訊

野心端合旅樵漁自喜岑年久遂初陶令菊酣三
逕酒楊雲花覆一牀書遺身祇覺青峰淺息影猶
嫌碧葉疎艸犢且肥松鶴健君恩元未薄居諸

其二

烽塵莽莽此何時方召推君定盍疑大樹爭瞻抒
虎略枯槎聊可寄魚絲月潭自爲鳴琴秀雨圃難
令種藥遲爲報菖蒲樽已綠啣杯何日醉江蘼

程司空我旋見枉賦此

詠懷堂詩

卷之四
二十八

山公物望著嚴廊高閣琴書對隱囊直使公卿失
榮膺遂爲頑懦廣津梁新除特爲龍髯重鳳輿高
覘馬骨香自晒苔花冠已毀未堪拂拭向王陽

用韻答薛比部諧孟

汗漫長懷若士行負春聊結五噫情陶彭澤酒碧
無恙謝太傅山青自橫野竹籜稀風細解池花烟
破月初平與君澹枕松間石廣武同嗤異代名

其二

水亭吐月宛然秋彥集何殊名嶽遊艸聖爭傳青

李帖芸香不散白雲樓官閒鶴嶠賓長至句就雞
林賈競求別後舉詩勝蘭芷一時梧竹讓清幽

東董冀州里淳

五馬歸來物外身下帷還擬著天人閉門日與世
情隔沽酒不嫌生計貧土屋春閒朝飯犢布袍秋
冷夜編鶉從君卜築青谿曲何必花源學避秦

其二

桑田滿目駭風波世事如君高枕何亂日加餐推
麥飯野人努力向漁簑幼安澤有狶堪牧廷尉門

無雀可羅鳳去荒臺秋艸碧登臨寧復忍悲歌

謝顧兔泉以其先人東橋公集見贈

芳隣結向杏花村衡宇相望似鹿門亂後始知魚
麥貴閒來彌悟雀羅尊琴書高士風無忝封禪先
賢艸尚存近局隻雞招未遠與君期不負山樽

晚坐弘濟寺

古柳參差掩寺門荆籬石埠自爲村風嚴烏榜通
菱浦日落漁炊就荻根野月荒荒難辨色江峰寂
寂更何言鐙前無限浮沉思銷在菰香水鶴喧

再遊栖霞東恒覺上人

憶聽天開巖下鐘，苦吟清嘯對霜楓。
別來幾碧山中艸，偶至還青雨後峰。
大壑古雲仍抱石，空潭風月又開松。
振衣更指高霞路，落日將君辨海鴻。

懷季重觀察江州解官還山陰

猥鶴稽山約未寒，羨君欣整遠遊冠。
絲來聖世容招隱，安有才人不左官。
老圃鋪長隨酒甕，中山簞豈至漁竿。
懸知高枕層霞上，翻側人間行路難。

其二

琵琶江月思紛紛君與匡廬共一雲蓮社偶來分
虎笑蘭亭長此狎鷺羣亂來野菊難爲色愁至霜
楓易入聞強起支牀舒遠眺不堪秋艸載斜曛

曉過石馬冲

古原何地不桑麻六代陵園問曙鴉是處石麟銜
晚照幾聞笙鶴馭高霞橫塘綠水漫菰葉平圃青
藤冒豆花野犢不知離黍恨踏莎還上玉鈎斜

石言十二首

其一

歲時薄有稼穡，爾力秋穫，屆期而桐，擊聞矣。

十晦年來夢已安，農臣自許考槃寬。祝雞晴柵秋
煙迥，捕蟹霜疇夜火寒。竹篠謹應騰酒頌，桑乾警
不到漁竿。何來蜂蠆生懷袖，空使顛毛豎鵝冠。

其二

春中聞流寇警，予倡乞師議，甚力。里中
亡賴謂無病呻吟，毒詈之。茲潘將軍可大
捐貲募士至而桐變旋賴以鎮，然則予
議非與。

南箕翕翕吠江城，共懟侏儒浪請纓。憎主爭爲羣
盜祖，罪言難謝妬人情。蚩尤朝避鈴門氣，妖鳥宵

嚴鐸帳聲到底安危馮此仗杞人何復負平生

其三

賊野掠訛言四起兵使者王公憤之力
疾提師次練川擒馘疊奏賊懾而解合
郡以安則吾儕小人借公袞繡者去尋
常攀卧情旨相越何啻徑庭

江左夷吾藉鉅公小戎薄伐秦肅功符經秘篋分
黃石劍氣中宵射白虹身共荷戈零雨會手援失
楫亂流中練川壁月明秋水不與尋常借寇同

其四

郡伯愷悌君子且撫固其職疇曰非宜
卽賊殲後佯示慰藉安反側也百爾勸

堯多所採納其用意蓋穆平深遠矣

懷綏自是守臣心表餌何妨試綠林蔀屋已令晝
犢券桑間誰與弄鶉音軍書莽莽秋雲苦官道離
離萋楚溪燧火車門宵未屏憐予一顧短襦吟

其五

宿令楊以清幹移攝桐未匝月賊厝火
久懸發駛矣然身處虎穴指授成擒雖
其太夫人在宿署涕泣念之弗顧也令
何負桐哉

令尹家風接四知三年水譽滿松滋計當赤社移
琴日久屬黃巾定策時慈母啼烏淒月樹神君徙

鯉著霜威至今三復鴟鴞什風雨飄搖咽口碑

其六

茲園乃家 樵川公懸車處公憂時殫
智慮不愛髮膚倍余而受麤裘之詬又
同也黃鳥啄粟鳳德何衰是告曰歷吉
日乎將行矣

茲園黃髮幸皤然憂杞恒居衆慮先尼父豈能違
曠野靈均招與問高天鼎湖弓劍龍長臥故里荆
榛鶯已遷艸色玄黃殊未已鴟夷莫負五湖船

其七

賊渠黃文鼎汪國華蓄亂久而逋奴張
儒者適乘駿馬拜墳爲里兒所嗤儒憾

之遂輸貲汪黃以佐鳴吠後其主誘縛
之伏法與情殊快

鼠子胡然蓄異圖馮陵恥作霍家奴言笑指青
驄馬妖樹爭啼白項烏燐火不堪成異物穢形還
惜點靈誅空餘鳶蟻饑驅甚賴爾嗟來薦一鋪

其八

桐中一時耆彥文儒表表月旦者薪木
圖書爲賊所焚標幾盡相率避地白下
而吳宮論客卿先生聞變遜跡于郊遂
不得大葬衣冠陽九一至于此

真宰悠悠問莫申幼安何適避風塵長林未免衣
冠禍浚谷誰閒飲啄身廢壘歸無王謝燕羈栖行

負叔敖薪更憐太史修文日梁木淒涼未敢陳

其九

風雨舟行詣軍府陳賊狀不自知其初
度也

江墅秋深菊未荒幽香細雨遞危檣紫萸樽爲離
居罄白石歌繇此夜長荷屋衣裳元誨露杞人容
髣易臻霜故園豺虎縱橫甚弧矢羞聞射四方

其十

弦高椎牛包胥胝繭臣于父母邦心
力竭矣不知我者謂我何求退而思遠
遊豈予所欲哉

羈禽豈不戀喬柯如此青山滿目何避地若將邊
左袵迴車何必異朝歌四隅終自摧毛羽千仞從
今謝網羅寄語籬邊衆雞鶩好連爪距啄秋禾

其十一

兩尊人欲卜居白門如歌五噫出關也
華陽地近得時叩鍊客丹方用代菽水
洵是大樂

煙駕雲旗道益尊飄然鶴髮共加餐廚多糗糗充
牛飯地遠訾邪卽鹿門山賚有雲延屨杖萊衣何
日不朝昏因嗤異代秦時叟雞犬蕭條寄古源

其十二

六朝清綺之遺攀采宛在舊與諸君子
結有羣社茲得晨夕相訂清商玉樹尚
可返于正始乎

六代菁華韻未荒
繇來詞客此翱翔
長于花滿青郊雨
玄武荷綿綠水香
敢謂浮槎關象緯
漫思大雅易清商
好沽孫楚樓中酒
酌向高臺吊鳳皇

五言排律

壽龔直指瞻鳳太夫人八十

四卜韵

佳辰開鳳曆天寶煥龍光
栢露凝華重芝雲攬奏

長因駒歌渥水于鳥紀瑤筐卷耳懷空切松筠意
不忘碩人儀特劭女史德維良蘊取充幃珮繁頻
入釜湘和熊親誦讀卻鮪訓官方琢就家珪璧隆
彌國棟梁甘棠榮旦月直木凜臺霜殿策能爭虎
邊烽詎避狼遺身等飛藿固圉若苞桑對壘援桴
鼓登陴奮蹶張飡真窮穴鼠虜亦畏神羊更歷虞
廷狩重開禹貢荒包茅馳篳篥竹箭溢餘艘鸞鶴
呼無癸貌貅氣孔揚遂廻天步險再見 廟謨臧
叱馭辭京室乘軺肅 帝鄉義聲蜚艸末仁聞洽

飛翔周道援胥溺勤思戒復隍澤先頽尾壑恩到
白駒場望愈崇巖石勛看勒太常三江澄練淨九
子嶽蓮香華轡週南國中禴念北堂夢長依橘袖
歸及捧萸觴濟美蒸三秀弘文萃七襄麻姑停羽
翮阿母授璫琅曲許雙成度簫從弄玉颺西山呈
日麗南浦獻雲祥此樂誠何極羣心若未央膝前
飄繡袞履下飾明璫曾借于游鱗將鳴尚父璜感
機抒黼黻秉荻掃欒槍愷澤諸方豫忠謨聖主康
普天歌大母良史撰幽芳算與山河並麻將日月

昌絲綸重賁閣袍笏且盈牀
綵祿摩銅狄蘭燈續
玉肪龍門慙未陟鸞
謁永相望願托長庚
彩遙申北斗漿

題吳橋范氏祖德詩二十八韵

維桓鍾螫德于岱割雄風
電逐燕臺駿波翻北海
虹山川旣蟠鬱文物乃冲
融曄美成炎史淹推奠
夏功餘靈難遽歇華閤必
終隆累葉開良冶彌天
譽聖童敬恭敦梓里詞藻
冠芹宮侍學庭趨鯉爲
儀陸漸鴻經生容祭酒哲
匠讓宗工取果寧嫌小

分荆不厭豐伊人誠隱豹其夢亦維熊萃聚英初
拔飛騰業早攻名駒挺思曠毛鳳蔚超宗艸聖門
包鐵琴心爰識桐薦因名士挫塚以腐毫崇巨彩
收星漢長天隱蟠螭沉埋人似玉損益道如弓珠
積光應燦璇源衍勿窮崢嶸誇水部磊落起山公
鱗向溟南運羣能冀北空梅花官閣爛桃李藥籠
充汗簡抽毫碧泥書映軸紅門蘭紛馥郁庭樹接
青葱仰久高山並懷今片刺通清言連曉夜奇字
扶鴻濛蹤跡五湖長家聲萬石同木絲瞻化鶴聊

爾竭雕蟲形管盈東璧賡歌正未終

東瞿起田二十二韻

漢庭褒異績周室宴嘉賓四牡乘軺至雙魚折柬
頻自慙旋豹尾未敢逆龍鱗病已同司馬耕將問
子真庭萱長入夢篋艸久生塵獨樹風驚鳥空牀
月照人鄉書千里隔藥裹六時新顧腕疑多鬼論
心倍有神梧垣需劍履芝宇限城闔蕭寺經行寂
空囊旅况貧倒衣難命駕得句每書紳涕淚榆關
事支離瓠落身喜峰虞勒馬樂浪不爲臣揭揭徒

看日滔滔莫問津杞憂虛慨慷桑土竟逡巡廟
算恒多闕封章肯厭陳松筠瞻勁節糠粃愧前薪
紫塞餘蛇豕青蒲獲鳳麟補天君煉石釣海我垂
綸鷗狎清江渚鶯啼別墅春蒹葭人倚玉芳樹月
如銀白社依開士青山作逸民著書餘歲月壤擊
大江濱

夏口東池送友人納姬廣陵十二韵得僊字
嘉澣酌良月青門豫野泉池光開旭鏡林籟動薰
絃枝綴投車果香舒引步蓮凋星吟遽切簫月絲

誰專鶴路行飛駕驪歌詎黯筵偷分眉閣黛別卸
御衣烟采藥難携侶栽桃好趁年針樓蛛卻掛銀
渚鵲爭填梅穉羞承鼎花嬌不耐鈿吹移臺上史
夢綰洞中僊詞客傾奩咏王孫賤錦纏余懽參遇
末聊賦定情篇

五言絕句

園居禱咏

至人遺外事靈貺集霞上流鈴時有聲泠泠若松
響

十賚閣

其二

水淨頓無體素鮪如遊空
頻視見春鳥時翻藻荇
中鏡觴

其三

獨立步欄外空香何處來
高枝颺綠葉始僂木奴
開香嶼

其四

花葉循古情目玩自成綺
莫惜倒山樽
攀芳從此始
綺雪亭

其五

斟酌向邃古埋照無醒期爲憐竹林賢秋艸生蓬池

酌古齋

其六

拔爾荆榛叢立之琴書牖幽風曳女蘿向子若稽首

石拜坪

平等菴偶成

泠泠曳蒼玉風庭不斷香馮崖眺寒碧或恐是滄浪

其二

白雲自來去山情復何有胡然無盡時
廬下羣峰

首

其三

童子施臺飯諸禽忽而懼爲適野人家
桔槔看澆

圃

其四

夜靜松子落山鼠時一鳴空林殊寂寞
賴此小蟲

爭

煙客以水晶卮見貺繫以詩賦答

大冶結瑤冰善手劖寒玉綠蟻若浮空光氣自爲
燭

其二

撫菊引華卮因思貽者美報以玉壺心明蟾照秋
水

七言絕句

釋裨十二首

江行偶閱裨官書輒咏其可喜者自娛

翠媽折溜見盧魚天老擎拳拜綠書蟬大如虹看
莫笑炎皇珪女有盈虛

其二

蛤螺星聚寶光微拾得靈盆當壁歸不信禹餘糧
坐竭池邊金鴈莫教飛

漆翻盆峭壁孤盤失晝暄却笑纒袍秋
不暖甘泉聞說有寒門

其四

惠嫋湖邊灌木敷雞神來往在菰蒲猶嫌落葉污
澄練青島遙啣出島隅

其五

溪上丹房草不蕪洪厓杖屨費招呼宜城春酒溶
溶綠欲藉蘋香酌鮑姑

其六

雷塘無限白楊花寒食西風集暮鴉莫向舊堤窺
柳色春鋤爭上玉鈎斜

其七

詠懷堂詩

四十一

載燭行壇自委然青瓊遙望氣如仙
桃戈試舉誰能刺薄向藍田瘞寶煙

其八

烟花賓從盛如雲別有嶽嶠刺史情
歸去不乘淮海鶴單衫小馬看盤伶

其九

嵩高枕幙卧雲烟月戶遙分玉屑餐
不是萬靈攢七寶望舒安得勢如丸

其十

高壇元狩禮星精東海真人果集靈櫺葉蔽腰書
滿把人間長誦火珠經

其十一

曲江勝日剪花裝蜀錦流蘇引獸王不解繁華終
逝水紅絲爭欲絆春光

其十二

賓連萸萸繞堦生少海靈臺作頌成獨有金莖閉
平露夔龍何日事韶頀

從真州還金陵舟中無題

沙晴水碧浪花柔
明月烟中度淺謳
不是青衫絃
上思依稀香語囀西洲

其二

秋蕪小立步痕深
目遞無聲綠綺琴
不羨桃花人
面似願將絳葉點雙心

其三

瓊枝萎絕廣陵烟
橋月無宵不可憐
控鶴直追羸
女駕簫聲定繞鳳臺邊

其四

清商玉樹已成塵
天女光音復度春
不識麗華能似不
雪霞一片藐姑身

其五

文園消渴苦難蘇
悵望金莖澤並枯
自笑秋庭禪尚在
肯辭癭鼻媵當壚

其六

湘蘭露重轉無芬
遮目猶嫌巫峽雲
千頃艷情關不着
蛾眉寸月一疑君

偶過長板橋感舊

秦淮何處饒寒色長板荒橋霜艸多惟有春風寄
樊口當筵能唱隔江歌

舟行無題四首

芹香艸碧柳花疎雙燕雙飛掠
寒初暮暮春潮弄
明月海枯何日到前魚

其二

水調清歌何處郎
靡蕪爭讓口脂香
自憐雙袖龍
鍾甚爲爾平裁尺許強

其三

不是從軍女木蘭佩間芳艸號宜男歡聲欲鬪前
溪舞私向菱花試小愁

其四

迴風舞雪壓春波不惜千巡醉叵羅酒後藏鈎殊
意氣却嘲桃葉是青娥

南海陳路若新婚甚驩調之

鳥瓜遙聞出綺疏城隅寧復費踟躕孟公更不投
賓轄花葉長扶七寶車

其二

增城冲舉有僊鬟君美重聞接珮環秦氏烏生八
九子不須郎在鳳皇山

其三

琴心曲曲艷人腸共卧牛衣秋夜長
賴上粉痕銷不得紅潮何必醉檳榔

其四

寂寂青谿笑小姑上山不唱采薜蘿
生恐柔荑頓忍遣調漿卓氏壚

詠懷堂詩集

四卷終

自敘

夫詩者教所存
呂情治情之物
也情亦奚事治
蓋身心與時物
觸而詩生焉
于是導呂理義黜
正其胥未合者
則人之所爲詩

聖人教人之所爲詩也人生身
世得失亦何多端而羣怨足概
之誠能澣泳中和善所羣怨斯
情治而人心世道亦罔不善罔
不治唐虞卿雲八百康衢歷山

之歌哀樂固殊然忠孝之則之
至一也國風小雅尚矣謂離騷
兼之者傷厥旨則然乃若其辭
幾何不開賢知鬼神之漸乎降
是而大風柏梁短歌公讌浩蕩

雄麗震爍一時似取諸齊秦雞
鳴板屋者居多駸駸喬煩惡能
無慮卽家步兵祇浮沉致諷耳
賴陶公起而閑焉公睠懷典午
恥拾宋粟托北門考槃已寓弁

宛感其體植斯志淡而興遠中
和之脉所畱豈其微耶齊梁淫
極而傷亦隨之矣李唐君臣慨
亡國之靡靡受音響呂節制體
雖至律而變然變亦至律而止

變卽其所目爲功也與唐初情
法不諧參差拘窘未免互見至
雲卿延清而嚴射洪而宕咸斐
然足觀惟輞川太祝達夫少伯
盱眙新鄉六子爲能彌綸興象

磬磚性靈雖標負各殊品不盡
副而于三百繇正趨變可目羣
怨之旨服習含茹什一猶存不
可謂非靈均陶阮之餘韵也餘
輩凡凡然疑相介違心推獎吾

終未之能矣矯哉臯羽振金石
于式微匪獨趙宋希聲卽置之
太祝諸子間登降獻酬雍如也
豈非感遇日促離憂日長怨
而無失其人倫之正者哉嗟乎

悠悠時代茫茫宙合予出入揣
摩于風雅逾三十年自審所獲
理義與有獲于理義之君子止
此而大旨則括于吕情治情之
一言質先民俟後起舉不易此

自敘

矣

崇禎乙亥冬日石巢阮大鍼拜
手撰